

Ernst, in Stürmen, Streitten, Kempffen, Turniern, Gestöchen, Gefechten, Ritterspillen, Feldzügen, Paniern, Gezeltschlagen, Insigeln, Pertschafften, Cleinoden, Begröbussen, Gemählden, wie das Namen haben möcht, nach ihren Ehren, Notdurfften, willen vnd wolgefallen, frewen, gebrauchen, vnd geniessen sollen vnd mögen; In massen alle andere von alters geboren vnd herkhomene Edelleuth solches alles haben, sich dessen frewen vnd gebrauchen, von Recht oder gewonheit, von Allermenniglich vnerhindert.

Gebietten darauf denen Hochwürdigem, Ehrwürdigem, Durchleuchtigen, Hochgebornen, Wollgebornen, Edlen, Ehrsamem, Weisen, R. vnd R. allen vnd ieden Churfürsten, Fürsten, geist vnd weltlichen, wie auch denen gemeinen Landschafften, derselben Gubernatorm, vnd Berweesern, Landmarschalschen, Landtschaubtleuthen, Prälaten, Graffen, Freyen, Herrn, Rittern, Landvögten, Landrichtern, Hauptleuthen, Bisdomen, Pflegern, Verwaltern, Burgermeistern, Richtern, Gemeinden, Schuldheissen, Kundigern der Wappen, Ehrenholden, Pensenanten, vnd sonst allen andern Unsern vnd des heyligen Reichs, auch Unserer Königreich, Fürstenthumb vnd Landen Vnderthanen vnd Getrewen, was Würden, Standts oder Weesens die seind, gnedig- vnd ernstlich, das Sye mehrgenanten **Andre Lauhn**, seine eheliche Leibserben, vnd derselben Erbenserben, bey solchem adelichen Standt vnd Wappen, wie hienorn begriffen, vnd mit Wortten austruckhenlich geschriben stehet, von Unsertwegen, inner vnd außerhalb Gerichts handhaben, schirmen, darinn nit irren, hindern oder beschweren, noch iemand anderem, solches zu thuen gestatten, Als Lieb einem Jeden sey, Unser schwäre Bognad vnd Straff, vnd darzue eine Pden, nemlich fünfzig Marck lörtigs Goldts, zu meiden, die ein ieder, so oft er frävenlich hierwieder thet, Uns halb in Unser Kaiserliche Camer, vnd den andern halben thail ihme Lauhn, seinen ehelichen Leibserben, vnd derselben Erbenserben, vnnachlässlich zu bezallen verfallen sein soll. Zur Vhrkhundt, haben Wir disen Brieff mit Unserer Hand vnderschrift bezeichnet, vnd Unser Kaiserliches größers Insigl daran hangen lassen, Geben in Unserer Haupt vnd residenz